



UNIVERSITÄTS-
BIBLIOTHEK
PADERBORN

Universitätsbibliothek Paderborn

Codex traditionvm Corbeiensivm

Falcke, Johann Friedrich

Lipsiae ; Gvelpherbyti, 1752

§. 59. De traditis bonis in Fresienhus in pago Nithega.

urn:nbn:de:hbz:466:1-36114

§. 58.

Tradidit hermenadus presbyter tertiam partem grimoldi de opere
salis in *amplitiki* (v) et locum casae quae ibi est testes folcrid uuilleri libert
guber-
Corbe-
iam Wa-
rino.

§. 59.

Tradidit bilis quidquid habuit in *fresienhus* (w) testes eliso banegot
redman helmdag ricold reynuuard randuuic duddic meynric.

§. 60.

Tradidit uuulhard et odo in *tuischimum* (x) et in *thurisloun* (y)
mansos duos testes *uuymod* uuulhard odi erp meynold geruuard had.

§. 61.

Saltzthalen, ob splendidissimum palatum *Serenissimi Brunsvicensium ac Luneburgensium Duci* ad Garamantas usque celebratissimo; arbitrati sumus, villam *Dalhem* in diplomate regis Arnolfi interpretandam esse per *Saltzthalen*. Quia autem nullum vestigium deprehendimus, qua ratione Corbeia nostra salinas in *Dalhem* acquisuerit, putauimus, inueniri illud in hoc loco nostro, siquidem villa, *Alen* vicina et finitima est villa *Saltzthal*. Argumenta, a vicinia locorum ducta, habemus quidem non semper pro firmis. Fortasse autem anno 834 villa *Aluchi* in pago *Derlingi* maioris momenti erat, quam *Dalhem*, ubi probabiliter eo tempore tantum adhuc exiguae casee erant, ad salem coquendum necessariae. Et quis comprobare potuerit, iam anno 834 locum *Dalhem* villam singularem fuisse? Iam autem a potiori fit denominatio, vti in scholis philosophi loquuntur. Dolamus, quod in Traditionibus nostris non annotatum fuit, quis ille *Grimoldus* fuerit, cuius femina possedit hanc tertiam partem ex isto salis opere. Fortassis *Grimoldi* vxor erat filia ducis Ostfalorum *Hessi*, et mater *Abbonis* seu *Abbonis*. Coniectura augurati sumus infra §. 188, hunc *Abbonem* fuisse filium *Albionis* seu *Abbonis principis*, tempore Caroli M. celebratissimi. Si hoc tibi non placet, sive dicis, Chronologiam repugnare, quo minus *Abbico* statui queat filius *Albionis*, non repugnamus, si maius statuere, *Abbonem* eiusque fratres l. c. nominatos, fuisse nepotes principis *Albionis*. Speramus enim, neminem esse negaturum, originem serenissimorum principum ac comitum de *Anhalt*, *Walbeck* et *Supplinburg*, loco laudato a nobis ostentam, esse verisimilem, immo inter omnes haec tenus prolatas opiniones probabilissimam. At hoc praeferim.

(v) Villam *Amplitibi* exstitisse in pago *Guddingo*, docuit nos abbas Saracho in suo *Registro*. Intelligi vicum *Empelde* in ducatu Calenbergico, diximus iam supra §. 7. De villa *Amplitibi*. not. (n) Bona in hac villa habuit *Grimoldus* ex hereditate ducis Ostfalorum *Hessi*, vii pater e Traditionibus nostris §. 108. Nobilissimum ergo fuisse illum dominum, nemo negare poterit. Colligimus autem e donis, qua tam in villa *Amplitibi*, quam in villa *Aluchi*, tradita sunt abbatiae nostrae, has et sequentes Traditiones promulgatas esse post annum 834. Exstat enim autographum diploma Cæsaris Hludouici in tabulario Corbeiensi, ex quo clarissime appetat, *Warinus abbatem anno 834 coram throno cæsareo questum esse*, *suo decesse monasterio locum, ubi sal fieret ad cibos monachorum in nostro cœnobio degentium saltendor*. *Warinus ergo rogauit serenitatem cæsaream, ut de loco eiusmodi prouideret imperator, ubi sal fieri posset*. Precibus Cæsar adiunxit. Hoc expetere abbas Warinus non potuisset, si iam eo tempore abbatia nostra salinas in *Amplitibi* atque *Aluchi* habuisset. Indicio est ergo illud diploma cæsareum, hæc esse tradita post VI. Id. Iunii anni 834.

(w) Villa *Fresienbus* erat, Sarachone teste, in pago *Nitbega*, et in *Angaria occidentali*. De villa *Fresienbus*. Verisimillimum ergo esse intelligitur, vicum *Fronbusen*, in Paderbornensis episcopatus terris situm designari.

(x) (y) Villæ *Tuischimum* et *Thurisloun* tribuuntur a Sarachone l. c. pago *Hessi Francionico*. De villa *Tuischimum* et *Thurisloun*. De hoc pago egimus iam supra §. 33. not. (v), ubi diximus, cum situm fuisse